

Mid-Day Dogri News Bulletin, 11 August 2025

समा & 12:25 hrs.

<><><><><><>

PM-MP Flats

प्रधानमंत्री नरेन्द्र मोदी होरें अज्ज नमीं दिल्ली च बाबा खड़क सिंह मार्ग पर सांसदें आस्तें बनाए गेदे 184 Type VII (7) बहुमंजिला फ्लैटें दा उदघाटन कीता। इस मौके पर बोलदे होई प्रधानमंत्री होरें आक्खेया जे 2014 कोला लेइयै, हूनै तगर सांसदे आस्तें तकरीबन साइडे 3 सौ नमें मकान बनाए गे न। उनें गलाया जे इनें मकानें च बक्ख-बक्ख राज्यें थमां सांसद इत्थें किट्ठे रौहन्दे न, जेहड़ा “एक भारत-श्रेष्ठ भारत” दे धेइयै गी दर्शादा ऐ। प्रधानमंत्री होरें आक्खेया जे 4 टावरें दे नां भारत दियें 4 प्रमुख नदियें कृष्णा, गोदावरी, कोसी ते Hoggly दे नां पर रक्खे गे न। उनें इस गल्लै गी उजागर करदे होई आक्खेया जे इस बहुमंजिला ईमारत च 180 थमां मते सांसद रौहगंन।

<><><><><><>

Parliament Proceedings

संसद दे दौने सदनें दी कारवाही च अज्ज फही विघ्न पेया, कीजे विपक्षी सदस्यें बक्ख-बक्ख मुद्दे पर लोकसभा ते राज्यसभा च विरोध-प्रदर्शन जारी रक्खेया। लोकसभा दे अध्यक्ष ओम बिरला होरें सदन दी कारवाही गी 2 बजे तोड़ी स्थगित करदे होई आक्खेया जे पिच्छले 14 दिने सोआ गै विपक्ष दी डंड-रौली कारण सदन दी कारवाई च लगातार विघ्न पवा रदा ऐ, जेहदे कन्नै टैक्स देने आले लोकें दे करोड़ा रपे बर्बाद होआ रदे न।

इयै नेहा नजारा राज्यसभा च बी दिक्खन गी लब्बा। विपक्ष दी डंड-रौली दे चलदे राज्यसभा च सभापित होरें कारवाई गी 2 बजे तगर स्थगित करी दिता। उनें आक्खेया जे विपक्षी सदस्यें आसेया हंगामे दे कारण हूने तोड़ी 62 घंटें ते 25एं मिनटे तगर दा समा प्रभावित होआ ऐ।

<><><><><><>

Tiranga Mahotsav 2025

जम्मू-कश्मीर दे संस्कृति मैहकमे आसेया कल तिरंगा महोत्सव-2025 दा आयोजन कीता जा रदा ऐ। आजादी का अमृत महोत्सव दे बैनर हेठ आयोजित होने आला कार्यक्रम बड्डलै साड्डे 6 बजे शेर-ए-कश्मीर अंतराष्ट्रीय कन्वेंशन सेंटर च ते बड्डलै 7 बजे श्रीनगर दे Botanical Garden च आयोजित कीता जाग। एहदे च तिरंगा यात्रा सांस्कृतिक प्रदर्शनियां ते इक तिरंगा Concert दा कार्यक्रम होग। उपराज्यपाल मनोज सिन्हा होर इस मौके पर मुख परौहने होगंन। लोके गी साद्दा दिता गेदा ऐ जे ओह इन कार्यक्रमें च बदी-चढ़ियै हिस्सा लैन ते “हर घर तिरंगा अभियान” कन्नै जुड़िये देसै गी नमन करन।

<><><><><><>

I- Day Arrangements

स्वतंत्रता दिवस गी देशभक्ति दी भावना ते पूरे जोश--खरोश कन्नै मनाने लेई जम्मू-कश्मीर च तयारियां जारी न। इसदे लेई पूरे प्रदेश च व्यापक इंतजाम कीते जा रदे न। सुरक्षा दे पुख्ता बंदोबस्त कीते गे न ते निगरानी बी बदाई दिती गई ऐ। सांस्कृतिक कार्यक्रम ते “हर घर तिरंगा” अभियान स्कूल, कालेज ते सरकारी दफ्तरें च आयोजित होआ रदे न।

लोक बी आजादी का अमृत महोत्सव च बदी-चढ़ियै हिस्सा लै रदे न। DSP डोडा अजय आनंद होरें इंतजामें बारे गल्ल करदे होई आक्खेया.....

<><><><><><>

Kishtwar Encounter

किश्तवाड़ जिले दे डूल-क्वार इलाके च सुरक्षाबलें ते पाकिस्तानी आतंकवादियें बश्कार टाकरा अज्ज दुए रोज बी जारी ऐ। एह कारवाई कल बड़्डलै, इक खूफिया जानकारी थोहने परैन्त शुरु कीते गेदे तुपाई अभियान दौरान आतंकवादियें कन्नै झत होने दे बाद शुरु होई ते लगभग पूरी धेयाड़ी दौने बक्खी रुकी-रुकियै गोलीबारी हुन्दी रेई। जानकारी मुजब उत्थे छप्पे दे आतंकवादियें दी गिनतरी 2 दस्सी जा रदी ऐ। सुरक्षाबल इस चुनौती गी खत्म करने लेई पूरी चाली डटे देन। जानकारी मुजब एह दंडु आतंकवादी जिन्दा तालुक हिजबुल मुजाहिद्दीन आतंकी संगठन कन्नै दस्सेया जा रदा ऐ, जंगल च इक गुफा अंदर छप्पे देन।

<><><><><><>

Jammu Dekho Sabko Dikhao

जम्मू दे सैलसफा मैहकमे नै “जम्मू देखो, सबको दिखाओ” नां कन्नै इक्क दिलचस्प अभियान रम्भेया ऐ, जेदे राहें कन्टेंट क्रिएटर्स ते इन्फ्लुएंसर्स गी साद्दा दिता गया जे ओह खिते दियें ऐसी बेगौरी थाहरें दा पता लाइयै उनेंगी लोकें दे सामने आनन, जेड़ियां कुदरती खूबसूरती कन्नै भरोची दियां न।

जम्मू दे आध्यात्मिक, सांस्कृतिक, कुदरती ते विरासती आकर्षणें गी उजागर करने दे मकसद कन्नै रम्भे गेदे इस अभियान दे तैहत बड़ी रियायती दरें पर बक्ख-बक्ख थ्हारें दे दौरे दी सेवा उपलब्ध करोआई जाग। इस दरान प्रतिभागी बड़े उच्चे म्यार आहली सामग्री जियां वीडियो, रील ते ब्लॉग्स बगैरा त्यार करदे होई अपने अनुभव बी इन्दे कन्नै सांझे करगंन। प्रतिभागियें दे रौहने-बौहने, यात्रा ते साज-समेयान दा सारा बंदोबस्त सैलसफा मैहकमे आसेया कीता जाग। मुख्य भरै दे क्रिएटरें गी एह साददा दिता गया ऐ जे ओह इस अभियान कन्नै जुड़न ते जम्मू दी खूबसूरती गी दुनिया तगर पजाने दा कम्म करन।

<><><><><><>

Weather

मौसम विभाग नै 12 थवां 15 अगस्त बश्कार जम्मू खिते दी केंई सारी थाहरें पर बरखा पौने ते अंधी-झक्खड़ झुलने दी पेशगोई कीती ऐ। किश थाहरें पर भारी बरखा बी पेई सकदी ऐ। ताजा आंकडे मुजब जम्मू खिते च बरखा सामान्य थवां इक फीसद घट्ट होई, जिसलै कि कश्मीर घाटी च 32 फीसद घट्ट होई ऐ। प्रशासन नै लोकें गी मौसम सरबंधी परामर्श दिक्खने ते सुरक्षा सरबंधी दिशा-निर्देश दी पालमा करने लेई आक्खेया ऐ।

<><><><><><>